

(中華郵局特准掛號立券認爲新聞紙類)

中華民國十四年六月二十日

第二百三十七期

膠  
澳  
大  
報

本報價目 每週兩期每期一角  
全 年 月 八 角  
外埠每月加郵費四分

膠澳商埠督辦公署秘書處編纂股發行

電 話 公 署 分 機 第 十 二 號

## 目錄

### 命令

臨時執政令

膠澳商埠督辦公署訓令第四九五號

膠澳商埠督辦公署訓令第五〇一號

膠澳商埠督辦公署訓令第五〇五號

膠澳商埠督辦公署指令第一四八一號

膠澳商埠督辦公署指令第一四八二號

膠澳商埠督辦公署指令第一四八六號

膠澳商埠督辦公署指令第一四八九號

膠澳商埠督辦公署指令第一四九〇號

膠澳商埠督辦公署指令第一四九一號

膠澳商埠督辦公署指令第一四九四號

膠澳商埠督辦公署指令第一四九五號

膠澳商埠督辦公署指令第一四九六號

膠澳商埠督辦公署指令第一四九七號

膠澳商埠督辦公署指令第一四九八號

膠澳商埠督辦公署指令第一四五〇〇號

### 公牘

膠澳商埠督辦公署第三一五號

膠澳商埠督辦公署第一〇三號

膠澳商埠督辦公署代電第二八號

### 文電

膠澳商埠督辦公署批第五八四號

膠澳商埠督轉公署批第五八九號

膠澳商埠督辦公署批第六〇一號

### 批示

膠澳商埠港政局業務經過概要(續第二百三十五期)

山東青島地方審判廳刑事判決

### 附件

▲▲命 令  
▼▼

臨時執政令

財政總長李思浩呈請將署陝西財政廳廳長梁文淵免去署職梁文淵准免署職此令  
任命侯國藩署陝西財政廳廳長此令

中華民國十四年六月十二日

內務總長龔心湛呈請將京兆永定河河務局局長王福延免去本職王福延准免本職此令  
任命孔祥榕爲京兆永定河河務局局長此令

中華民國十四年六月十三日

達穆林汪楚克晉封鎮國公喇濟木多爾濟加輔國公銜此令

中華民國十四年六月十四日

膠澳商埠督辦公署訓令 第四九五號

令 觀 象 台

爲令行事案准

江蘇省長公署第一一五九號咨開案准貴署咨開據膠澳觀象台台長蔣丙然呈稱竊查職前在中央觀象台氣象科長任內編有地震報告表式一種業經呈由教育部轉咨各省分發各縣知事公署查照填送在案  
現在職台對於地震一門設有地震儀器專事研究亟欲得各縣知事公署填送中央觀象台之地震報告表以資參考擬懇鉤署准予轉咨各省長令飭各縣知事於填送中央觀象台地震報告表時另外多繕一份逕寄職台查收以便關於地震上之研究有所裨益是否可行伏乞鑒核示遵實爲公便等情據此查該台長所呈各節關於地震上之研究殊有裨益除指令照准外相應咨請查照希卽轉飭所屬各縣遵照於填送中央觀象台地震報告表時多繕一份逕寄該台長查收以備研究足紓公誼等因准此除令行教育廳通令各縣

知事遵照辦理外相應咨復卽希查照等因准此合亟令仰該台知照此令  
中華民國十四年六月十二日

膠澳商埠督辦公署訓令 第五〇一號

令新委公立李村兩級小學校長宋振範

爲令行事案查公立李村兩級小學校校長胡維藩呈請辭職業經照准並派該員前往接充在案所有該校存款以及文卷器具等件應卽會同該前校長查明交接清楚具報查攷除分別令知外合行令仰遵照此令  
中華民國十四年六月十三日

膠澳商埠督辦公署訓令 第五〇五號

令 警 察 廳

爲令行事案據台西鎮兩級小學校呈稱爲呈請再令警廳追贓給領以重公物而濟急需事竊職校蔡前校長任內以被盜窗帘挂鐘等價值約在百元上下各物呈請鈎署轉令警廳嚴緝追贓以維學務旋奉指令內開已飭警廳嚴緝嗣以警署捉獲本案賊人又呈請再令警廳從嚴究追以償損失各在案嗣奉指令五八六號內開悉已令行警廳查明提案嚴訊追贓給領仰卽知照此令等因奉此靜候至今未准警廳知會具領被盜各物現天漸炎熱教室準備室日光直射既害微生又妨課業窗帘在所必需又以遷移分校分班上課挂鐘又爲急要賊人旣經捉獲想被竊各物不難追出爲此理合具文呈請鑒核再令警廳查案追贓給領以重公物而濟急需實爲公便等情據此除指令外合再令仰該廳遵照迅卽飭科提案嚴訊追贓給領仍將訊追情形呈復查考勿延切切此令

中華民國十四年六月十五日

膠澳商埠督辦公署指令 第一四八一號

令立公南屯初級小學校

呈一件 呈復另行估計添置棹橙價格由

呈暨預算書均悉案查前據該校呈請添置棹橙當經批准撥給臨時費二十元原係按照成案酌中規定何得覆請增加殊屬荒謬仍仰遵照前令規定數目另行補造預算書並備具請欵單一併呈送來署再爲核發可也併卽知照此令預算書發還

中華民國十四年六月十二日

膠澳商埠督辦公署指令 第一四八二號

令公立雙山初級小學校

呈一件 呈送學校實況表暨舊有學生履歷表由

呈暨圖表均悉查核繪列各項圖表尙屬清晰應准备案惟該校職教員二人而學生僅有四十六名按諸本署前次通令各小學校每級人數不得在三十人以下之規定殊有未合仰該校長迅卽設法添招新生足成兩班之數以宏造就而符定章併卽知照此令圖表存

中華民國十四年六月十二日

膠澳商埠督辦公署指令 第一四八六號

令稽查運輸違禁品所

呈二件 請領三四月份經費並送預算書由

呈暨附件均悉三四兩月分經費業經飭科照發矣預算書准予備案嗣後該所請領經費造送預算務須在本署發欵期前辦理呈候批示勿得於領款後始送預算有違定例再該所各月分支出計算書據均未造送來署應速分別造報以憑核轉仰併遵照此令

中華民國十四年六月十二日

膠澳商埠督辦公署指令 第一四八九號

令水道局

呈一件 呈報陽前任未發包工入三月間水源地運煤運費請示如何辦理由  
呈單均悉查該局陽前局長任內欠外各款偷僱憑各商片詞請求難保無冒領情事未便遽予照發仍仰該  
局切實查明索取保結呈候本署併案核發可准此令

中華民國十四年六月十一日

膠澳商埠督辦公署指令 第一四九〇號

令 警 察 麾

呈一件 呈復達令擬辦收買蚊蠅情形請示遵由  
呈單均悉准如所擬辦理此令

中華民國十四年六月十二日

膠澳商埠督辦公署指令 第一四九一號

令 警 察 麾

呈一件 呈報保安第一第二兩大隊請領添置官長武裝皮帶款項請指令由  
呈悉查保安隊添置皮帶一項可由該廳原有服裝費內開支勿庸另案請領此令

中華民國十四年六月十二日

膠澳商埠督辦公署指令 第一四九四號

令 警 察 麾

呈一件 呈報海水浴場開辦日期由

呈悉應准備案仍仰轉飭該管區署查照向章認真辦理以維秩序所需經費核實具報併卽知照切切此令

中華民國十四年六月十三日

膠澳商埠督辦公署指令 第一四九五號

令 警 察 廳

呈一件 呈爲保安二隊擬請撥款購置崗樓以資應用請核示由

據呈保安第二大隊因遷駐海軍倉庫需用崗樓以便瞭望等情已悉查核呈稱各節尙屬實情准如所請辦理仰即轉行該大隊長飭商速爲製辦崗樓六座俾資應用仍於工竣後呈請派員驗收以昭實在至此項崗樓費一百八十元爲數無多卽由該廳令該隊應領經費項下設法勻支而資撙節併仰遵照此令

中華民國十四年六月十三日

膠澳商埠督辦公署指令 第一四九六號

令 警 察 廳

呈一件 呈報保安二隊遷駐日期並送搬運修理費清單請指遵由

呈暨清單均悉查核保安第二大隊此次遷駐海軍倉庫所有墊用搬運各費尙屬實在應准核銷仍仰轉飭該大隊長另行造具詳細清冊連同各項單據一併呈送來署再爲飭科照發可也此令單存

中華民國十四年六月十三日

膠澳商埠督辦公署指令 第一四九七號

令 警 察 廳

呈一件 呈報奉天本溪湖煤鐵公司來青招募華工情形由

呈悉應予備案此令

中華民國十四年六月十三日

膠澳商埠督辦公署指令 第一四九八號

令公立朱家窪初級小學校

呈一件 呈擬於暑假前舉行四年生畢業試驗請備案由

呈悉該校四年級學生課程既已修習完畢應准舉行畢業試驗仰於試驗完竣後即將該級學生各學年各科成績分數及畢業總平均分數各表連同製備畢業證書一併呈送來署以憑核辦切切此令  
中華民國十四年六月十三日

膠澳商埠督辦公署指令 第一四九九號

令公立黃埠初級小學校

呈一件 呈請准予教員李克芳請假由

呈悉據稱該校教員李克芳因丁父憂請假十日等情應予照准仍仰傳知該教員於假滿後速爲回校授課以重學務併卽知照此令

中華民國十四年六月十三日

膠澳商埠督辦公署指令 第一五〇〇號

令公立台東鎮兩級小學校

呈一件 呈請將高初各級學生舉行畢業請備案由

呈表已悉查表列各級學生趙普清等歷年積分尙屬及格應准舉行畢業試驗仍仰於試驗完竣後即將總平均分數各表連同畢業證書呈送來署以憑核辦切切此令表存

中華民國十四年六月十三日

膠澳商埠督辦公署指令 第一五〇一號

令公立台西鎮兩級小學校

呈一件 呈爲六年級學生修業期滿請准予畢業由

呈冊均悉該校六年級學生閔成德等二十六名既已修業期滿應准畢業卽於畢業試驗後再將各學年各科成績分數表及總平均分數表連同畢業證書一併呈送來署以憑核辦仰卽知照此令冊存

中華民國十四年六月十三日

膠澳商埠督辦公署指令 第一五〇二號

令公立法海寺初級小學校

呈一件 呈報擬放麥假日期請示遵由

呈悉據稱遵章酌放麥假十日自六月十二日起至二十二日止等情應即照准仍仰於假滿後即行開學授課以重學務併卽知照此令

中華民國十四年六月十三日

膠澳商埠督辦公署指令 第一五一五號

令公立李村兩級小學校校長胡維藩

呈一件 呈請辭職並薦初袁瑞接充校長由

呈悉該校長既奉省委充膺卽墨縣教育局長之任未便強留應准辭職所遺校長職務查有前公立青島兩級小學校教員宋振範資格較優堪以派往接充除給予委任外仰卽查明校內所存公款以及文卷器具等件會同新校長交接清楚呈報查考至教員初袁瑞仍着照舊供職俟有相當缺出再爲任用可也併卽知照此令

中華民國十四年六月十三日

膠澳商埠督辦公署委任令 第一二三三號

令 宋 振 範

茲委任宋振範爲公立李村兩級小學校校長此令  
中華民國十四年六月十三日

△△△  
公 訖  
▼▼

膠澳商埠督辦公署公函 第二一五號

逕復者頃准

貴公署第五九號公函內開以海琛軍艦廁所及小火輪之鍋鑪損壞請飭港政局代爲修理以利軍用至所需工料費若干請從實估計俟竣工後再行結算等因准此除令行港政局遵照辦理外相應函復即希

查照是荷此致

渤海艦隊司令公署

中華民國十四年六月十六日

膠澳商埠督辦公署咨 第一〇三號

爲咨行事案據東萊銀行股份有限公司呈稱案奉鈞署四五七號訓令內開爲令行事案准財政部咨開爲咨復事准咨開據東萊銀行董事劉子山等呈稱本年股東議決復由董事會照章公推董事劉子山爲該行總經理並董事成蘭圃出缺由其承繼人成鴻先繼續成董事一切權利義務請轉咨備案等情除分咨外咨請查核見復等因到部查該行董事會公推劉子山爲總經理一節核與定章尙屬相合應准備案惟所稱董事成蘭圃出缺由其承繼人成鴻先繼續等語究竟成鴻先繼續董事是否係由股東會照章選舉未據聲敘明白應由該行切實陳明以憑核辦茲准前因相應咨請查明轉飭遵辦等因准此合行令仰該銀行遵照切實聲復以憑核轉切切此令等因奉此查成鴻先繼續董事經股東會議決前呈業經聲敘前董事成蘭圃於民國十二年銀行改組時由股東會照章推選嗣以成蘭圃病故出缺本屆股東會以董事會不足法定人數在原定任期未滿之際又未便全體改選股東成蘭圃被推爲董事旣已出缺該股東承繼人成鴻先已有被推董事資格因大眾投票公決由成鴻先繼續董事職務並以原註冊人姓名變更呈請鈞署轉咨註冊備案在案茲奉前因理合聲敘成鴻先繼續董事經股東會照章推選緣由呈復鈞署鑒核轉咨財政部准予註冊備案實爲德便等情前來除批示外相應據情咨復

貴部查照准予註冊備案並希  
見復至紹公誼此咨

財政部

中華民國十四年六月十一日

△文 電△

膠澳商埠督辦公署代電 第三八號

膠澳警察廳真日代電暨抄件均悉該廳一切辦法頗合機宜深堪嘉慰仍仰遵照濟南張督辦庚電並本署  
麻電飭屬隨時勸導妥為防範以維秩序是為至要膠澳商埠督辦公署元印  
中華民國十四年六月十三日

△批 示△

膠澳商埠督辦公署批 第五八四號

具呈人王元德

呈一件 呈請准予立案專賣結冰水黃雞卵由  
呈悉據稱已於青城路三號設廠製造每月出口二百餘噸均照章繳納出口稅運往英美尚無困難等情是該商於結冰營業早已實行而  
詳查本署商業註冊簿中並無該商牌號在內則該商工廠自身尚未待有法律上之許可所請准予專賣之處自未便立予照准仰即遵照  
本署公布之商業註冊規則剋日來署先行註冊俟派員查明工作情形是否合法再為核奪飭遵切切此批

中華民國十四年六月八日

膠澳商埠督辦公署批 第五八九號

批東萊銀行股份有限公司

呈一件 呈為聲敍成鴻先繼續董事經股東會照章推選請轉咨備案由

呈悉已據情轉咨

財政部核辦矣一俟咨復到署再行飭遵仰即知照此批

中華民國十四年六月十一日

膠澳商埠督辦公署批 第六〇一號

具呈人烏衣巷區區長畢勳臣等

呈悉據稱該區楊家村四村自奉令取締私塾以來學童就學諸多不便擬請在楊家村設立香裏小學分校所有校內應用桌椅各項物品由該區長等担任籌辦等情真見熱心教育殊堪嘉尚惟該村既有男生六七十名與其附屬於楊家村曷若獨立一校俾於管理教授尤為便利仍仰該區長等迅將校舍棹橙及一切應用校具等件先行籌備完全連同學生名冊一併呈報到署即當派員視察情形再為遴選校長教員前往開辦可也併即知照此批

中華民國十四年六月十五日

△附件▽

膠澳商埠港政局業務經過概要

民國十四年二月旬報

一輪船出入

本旬繫埠輪船四二隻八九，三六五噸離埠輪船四〇隻七三，一一七噸與去年同期比較繫埠者增加一〇隻註冊噸數增三一，〇四三噸離埠者增加六隻註冊噸數增加一〇，五六七噸茲將本旬繫離船隻數噸數及所屬國籍區分於下

繫埠 中國船八隻八，七三六噸日本船二〇隻三四，六五七噸英國船六隻一六，五二二噸

美國船四隻一八，四三四噸其他各國船四隻一一，〇一七噸

離埠 中國船七隻七，〇五六噸日本船二〇隻三〇，四一六噸英國船七隻一七，七四二噸

美國船二隻九，二七一噸其他國船四隻八，六三二噸

旬來船港輪船一〇隻二四，〇八四噸計中國船二隻二，〇〇九日本船四隻八，二六二噸

美國船二隻九，一六二噸德國船一隻四，三七六噸丹國船一隻三四七噸

二輪船裝卸貨物

	去 年 同 期	本 旬	增 減
出 口	三四、七九二、三	二三、九六七、九	△ 一〇、八二四、四
進 口	一四、五六〇、七	一七、一四二、七	二、五八二、〇
計	四九、三五三、〇	四一、一二〇、六	△ 八、二四二、四

出口貨物

本旬輸出總額計一萬三千九百六十七噸九較去年同期減少一萬〇八百二十四噸四就中以煤炭減少為最多計一萬三千餘噸茲將出口地別及增減數量分列於下出口至上海之煤炭及其他等減少三千二百餘噸至其他中國各埠之花生油桐木等減少一千一百餘噸至日本內地之桐木煤炭等減少七千八百餘噸至朝鮮之桐木焦炭等減少六百二十餘噸

出口至大連之烟葉，棉花，煤炭，等增加四百八十餘噸至香港之花生，花生油，等增加三百一十餘噸至其他各國之花生，花生油，等增加一千一百餘噸

進口貨物

本旬輸入總額計一萬七千一百四十一噸七較去年同期增加一千五百八十一噸其重要貨物為高粱

煤油，砂糖，等茲將進口地別及增減數量分列於下  
由大連進口之高粱，及撫順煤，增加六百二十餘噸由上海之烟葉，棉布，煤油，等增加一百七十餘噸由香港之白米，砂糖，麻袋，等增加一千餘噸由其他中國各埠之煤油，紙類，等增加二千七百餘噸由其他各國之煤油，麻袋，等增加二百二十餘噸

由日本內地進口之海產類，紙類，及其他，等減少二千一百餘噸由朝鮮輸入之重要貨物則較

去年同期無多增減

## 重要出口貨物噸數去年同期對照表

品 名	去 年 同 期	本 旬	增 減
花 生	六、一六五、六	六、八八五、五	一七九、九
烟 葉	一、三二一、七	二、三五〇、七	一、〇一九、〇
雞 蛋	四六八、三	一、三六七、四	八九九、一
牛 肉	六四五、八	三六〇、三	二八五、五
啤 酒	六五、二	二〇〇、六	△
棉 花	五七八、五	四二〇、八	四四、六
草 藥	二四一、四	三三九、三	八七、九
牛 脂	一一、五	十	一二、五
豬 牛 車 皮	四八、〇	一六九、五	一三、五
生 熟 牛 油	三八、九	二五、一	△
花 生	二二二一〇、八	二、五三三、八	三四二、七
桐 木	一、〇一四、六	六七一、九	七一八、九
焦 炭	七六九、〇	△	一八、四八〇、〇
煤 炭	五〇、一	△	四、七五二、〇
	一	一	一三、七二八、〇

備考 增減欄內記△符號係表示本旬減少之意  
重要出口貨物噸數向  
往地別表

品 名	大 連	上 海	香 港	其 他中國各埠	日 本內 地	朝 鮮	其 他外國	計
花 生		四·八	四·五	三國·六	三國·五		六·二九·一	六·八五·五
烟 葉	一〇五·五	一·三九·八			貳八·四		二·三五〇·七	
雞 蛋					一·三六〇·九	大·五	一·三六七·四	
牛 肉	六·九	〇·七			三五一·七		三五〇·七	
啤 酒	一〇·六						一〇·六	
棉 花	壹·八							
草 辦		四·八						
豬 牛 脂		七·九	一·七	三·〇	三·一·二		三〇·八	
生 熟 牛 皮				一六〇·四				
花 生 油		四五九·四	九·一·六					
桐 木				三五·一				
煤 炭	一〇·〇	三·一·九·〇	〇·一	大吉〇·五	一·一·四	一六九·五	大七一·九	四·七三·〇
					一八·二·八	二·五三·八		一·〇·〇
					一五·一		一〇·一	

山東青島地方審判廳刑事判決

一件 劍中田吸食鴉片案

主 文

劉中田吸食鴉片煙處拘役一月未決期內羈押日數准以二日抵拘役一日  
烟盤一個烟盅一個煙少許烟碗一個烟槍一支烟燈一盞烟斗一根均沒收之  
中華民國十四年五月十四日

一件 劍天作等賭博財物及過失輕微傷害案

主 文

孫恭溫過失輕微傷害劉永發處罰金十元賭博財物處罰金三十元執行罰金三十五元  
劉天作梁悅藻張道榮賭博財物各處罰金三十元  
右所處罰金如無力繳納均准以一元拆算一日易以監禁

中華民國十四年五月十五日

一件 焦才道與焦成道姦地上訴案

主 文

原判變更  
被上訴人應將係爭姦地交還上訴人

訴訟費用由被上訴人負擔

中華民國十四年五月十四日

一件 邱城侵入竊盜案

主 文

邱城侵入竊盜處三等有期徒刑三年褫奪公權全部終身未決內羈押日數准以二日抵徒刑一日

中華民國十四年五月十五日

一件 周信忠傷害案

主 文

周信忠輕微傷害孫米忠處五等有期徒刑二月緩刑三年

中華民國十四年五月十六日

一件 段玉晉吸食鴉片烟案

主文

段玉晉連續吸食鴉片處拘役一月未決期內羈押日數准以二日抵拘役一日木煙盤一個煙燈一盞「代罩」煙簫二枝攝子一把煙刀一把煙勾一把煙槍一枝「帶斗」煙籠一個煙瓢一個烟灰帶鐵盒半兩鐵盒二個煙泡八個均沒收之

中華民國十四年五月十六日

一件 鄭保全竊盜及鴉片嗎啡案

主文

鄭保全竊盜一罪處五等有期徒刑二月又吸食鴉片煙一罪處拘役二十日應執行徒刑二月拘役二十日未決期內羈押日數准以二日抵徒刑或拘役一日

鄭保全內嗎啡部分免訴

中華民國十四年五月十六日

一件 穆奚誠等侵占及藏物一案

主文

穆奚誠劉忠俊侵占漂流物各處罰金二元未決期內羈押日數准以二日抵罰金一元如無力繳納並准以一元折算一日易以監禁

薛明順李殿強搬運贓物各處拘役三日未決期內羈押日數准以二日抵拘役一日

中華民國十四年五月十六日

一件 徐有成傷害案

主文

徐有成輕微傷害蕭堯明處五等有期徒刑六年緩刑三年

中華民國十四年五月十六日

一件 李文江故買私鹽案

主文

李文江故買私鹽處拘役二十日未決期內羈押日數准以二日抵拘役一日私鹽三十餘觔沒收

中華民國十四年五月十八日

一件 劉增福竊盜案

主 文

劉增福竊盜處五等有期徒刑三月未決期內羈押日數准以二日抵徒刑一日

中華民國十四年五月十六日

一件 麗春泰竊盜案

主 文

龐春泰竊盜處五等有期徒刑二月末決期內羈押日數准以二日抵徒刑一

中華民國十四年五月十九日

一件 王集損壞案

主 文

一件 王集損壞高姜民水缸等物處拘役二十五日未決羈押日數准以二日抵拘役一日

中華民國十四年五月十九日

一件 李兆梅竊盜案

主 文

李兆梅侵入竊盜處四等有期徒刑一年褫奪公權全部終身未決期內羈押日數准以二日抵徒刑一日

中華民國十四年五月二十日

一件 王學山竊盜案

主 文

王學山竊盜處五等有期徒刑二月末決期內羈押日數准以二日抵徒刑一日

中華民國十四年五月二十日

一件 耿得普竊盜案

主 文

耿得普竊盜處拘役二十日未決期內羈押日數以二日抵拘役一日

中華民國十四年五月二十日

一件 陳慶恩竊盜案

主 文

陳慶恩竊盜三罪處三個五等有期徒刑二月侵入竊盜三罪處一個三等有期徒刑三年褫奪公權全部終身執行徒刑四年褫奪公權全部終身未決期內羈押日數准以二日抵徒刑一日

嗎啡一小包沒收

中華民國十四年五月二十日

一件 張明山嗎啡一案

主 文

張明山吸食鴉片煙一罪處罰金二十元又自己施打嗎啡一罪處拘役二十日併科執行之罰金如無力繳納准以一元折算一日易以監禁未決期內羈押日數並准以二日抵罰金一元或拘役一日

中華民國十四年五月二十日

一件 劉瑞和竊盜案

主 文

劉瑞和竊盜兩罪處兩個五等有期徒刑二月侵入竊盜處四等有期徒刑一年褫奪公權全部終身執徒刑一年褫奪公權全部終身未決期內羈押日數准以二日抵徒刑一日

中華民國十四年五月二十日

# 本報啟事一

本報雖係公報性質而以發展工商業為主旨凡在本報刊登廣告者特別歡迎

## 本報啟事二

本報刊登廣告具兩大特色一訂閱本報者多係工商界鉅子可作極有力量之介紹一本報暢銷百七縣及各大商埠登載廣告可以普及全國

## 本報廣告更定價目表

- 一 凡在本報刊登廣告以四十二字起碼為一行不足四十二字者按一行計算
- 一 登一期者每行收大洋二角登兩期者三角五分四期者六角一月者一元
- 一 登至二十行者均按八折計算
- 一 登半年者概以六折計算其因公益及公務事項刊登者無論久暫均按六折計算
- 一 刊登常年者另議特減
- 一 若用大字及印登商標者均照登佔面積計算刊工另議酌加